

I todèscs 'e crodin chechel al sedi il segnàl di une rivoluzion dai citadìns, o pur dai Franzês che tornin, e no pensin plui che a salvâsi lassànt dut impastanât. Tal zardìn grant, pes contradis, par dut 'e restin bandonâz i ciars dai regimènz parcè che i soldâz, par s'ciampá plui in presse, àn taiâz i furnimènz ai ciavai e sù, vie par Preclûs a Cividât e al Pulfar, o pe Puarte dai Roncs a Aquilee e plui in là dal Isùnz.

La biele pensade dal Podestât 'e veve salvade la citât.

---